

温州市图书馆编 方浦仁 陈盛奖 整理

# 劉紹寬日記

第三册

中国近代人物日记丛书

中华书局

温州市图书馆编 方浦仁 陈盛奖 整理

# 劉紹寬日記

第三册

中国近代人物日记丛书

中华书局

# 目 录

## 民国十七年戊辰

(1928) ..... 893

一 月 ..... 893

二 月 ..... 896

三 月 ..... 900

四 月 ..... 904

五 月 ..... 908

六 月 ..... 911

七 月 ..... 915

八 月 ..... 919

九 月 ..... 922

十 月 ..... 925

十一月 ..... 929

十二月 ..... 932

## 民国十八年己巳

(1929) ..... 936

一 月 ..... 936

二 月 ..... 939

三 月 ..... 943

四 月 ..... 949

五 月 ..... 955

六 月 ..... 959

七 月 ..... 964

八 月 ..... 970

九 月 ..... 975

十 月 ..... 980

十一月 ..... 986

十二月 ..... 991

## 民国十九年庚午

(1930) ..... 997

一 月 ..... 997

二 月 ..... 1002

三 月 ..... 1006

四 月 ..... 1010

五 月 ..... 1013

六 月 ..... 1019

七 月 ..... 1024

八 月 ..... 1030

九 月 ..... 1035

十 月 ..... 1040

十一月 .....	1052	五月 .....	1197
十二月 .....	1058	六月 .....	1204
<b>民国二十年辛未</b>		七月 .....	1208
(1931) .....	1064	八月 .....	1217
一月 .....	1064	九月 .....	1223
二月 .....	1074	十月 .....	1229
三月 .....	1082	十一月 .....	1236
四月 .....	1092	十二月 .....	1243
五月 .....	1099	<b>民国二十二年癸酉</b>	
六月 .....	1110	(1933) .....	1250
七月 .....	1117	一月 .....	1250
八月 .....	1125	二月 .....	1256
九月 .....	1133	三月 .....	1266
十月 .....	1140	四月 .....	1277
十一月 .....	1151	五月 .....	1285
十二月 .....	1162	六月 .....	1295
<b>民国二十一年壬申</b>		七月 .....	1305
(1932) .....	1167	八月 .....	1311
一月 .....	1167	九月 .....	1317
二月 .....	1174	十月 .....	1326
三月 .....	1182	十一月 .....	1334
四月 .....	1191	十二月 .....	1341

# 民国十七年戊辰(1928)

## 一月

一日,旧历丁卯十二月初九日庚子 晴

四日,十二日癸卯 晴

往永嘉,为明日吕文起先生安厝回虞入祠。

过夜寓大新街杨顺发栈。

五日,十三日甲辰 晴

诣候符笑拈先生,奉赠梅生、志澂送洋各二十圆。

申后迎吕丈木主于府前街,随送至吕祠而回。

六日,十四日乙巳 晴

自永嘉回。

七日,十五日丙午 晴

午后委员会开会。

八日,十六日丁未 晴

作《周舒亭寿序》,未成。

九日,十七日戊申 雨

付缮《周序》,为改定再缮。

十日,十八日己酉 阴,寒

缪雄甫俊昨自莆田前下场盐务公署来函,云铸夫委为区员。

十一日,十九日庚戌 阴

寄符笑拈先生函,致洋五十元,内志澂卅元,君濬廿元。  
致周勃夫《寿序》。

十三日,廿一日壬子 阴

往李家溪,以哲夫葬其二亲,乞题主也。

十四日,廿二日癸丑 晴

上午题主,午后送葬,即回,至刘店宿焉。

十五日,廿三日甲寅 晴

自刘店回,十时到城,知次孙昌汉患白喉,自廿一日下午起已二日馀矣。缪孙于今晨同林邦魁往瑞安购注射药水,回云向郡城普益购取,已电话告知,今晚可送到。

十六日,廿四日乙卯 晴,午后阴

媳陈氏同汉孙今晨往郡,就诊于伯兰氏医院。  
张桂山来,修书并拓《金刚咒》碑,赠以大洋四元。

十七日,廿五日丙辰 晴,甚暖

祝小亭来,言屋价共洋贰千叁百元,连大门外之屋一座在内。  
拟屋契稿一纸,交运开携往瑞安,并函蔡耐夫阅过。

仲琳信来,言汉孙一切由渠担任,潘君、李君、黄君问羹<sup>①</sup>已与接洽,可保无恙。今按,汉孙住院数日即回,此日记未载。

廿二日,三十日辛酉 阴

是日结帐事繁,不及备载。

廿三日,旧历戊辰年正月初一日壬戌 阴

晨起诵《弥陀经》、《普贤行愿品》、《金刚经》各一遍,《心经》三

<sup>①</sup> 黄问羹:瑞安城关小沙堤人。1925年7月毕业于日本千叶医科大学。1925年至1932年,任瓯海医院院长(即今温州医学院附属第一医院)。

遍毕,礼中堂、灶神及祖先。按,诵经,日课也,以后不再记。

和黄梅生诗二律。梅生循近年例,于除夕送梅花数枝,媵以一诗,和成缮寄,并遣下使送拜片各家。

陈节秋、邓悦民、马颐钧、张鹏翼、马敏中、吴仲和、林辅之、王昌邦、徐子明、游雪门、苏达夫、黄六斋、仲超、董智由、王冰忱、陈雁秋、南成荣、蒋觐光均来。往访林蔚之、张鹏翼,皆未晤。

廿四日,初二日癸亥 雨

林蔚之来,旋至委会,与酌发拜片。俞蔚文携其子世发来。江蕙林、郑梓怀、陈子琳来。黄迪我来,言其弟孚中已到汕头,初本往汉口,旋赴汕头也。迪我,名赳良,友人翊甫子。

与子怀、子琳菹戏于颐钧宅,是事旷时废事,耗财损神,以戒为是。少时日记有云,常存每怀靡及之思,自无其姑谋乐之想,切记!

廿五日,初三日甲子

过俞蔚文、阮伯陶、陈子琳、黄梅生、姜啸樵、黄逸甫、陈雨田、游越珊诸家。回悉阮伯陶、陈子勤来,未晤。昨倪锡侯、陈冠群来,亦未晤。

广福宫道人闻理朴、钟理藻来,朴道人赠手书联语一,又龟道人画一张。龟道人,蔡姓,温岭人。作《菊花纪事》诗十绝。陈子勤招晚酌,子勤现住北门底陈宅。

廿六日,初四日乙丑 晴,暖,夜雨

蔡耐夫来,因招苏达夫、陈子琳、姜柏先、祝小亭同午酌,睿侄亦来。蔡璋随耐夫来,申后回瑞。周宅房屋,耐夫为添付洋五十元,共付周宅五百元,节秋亦付去五十元。耐夫求王孚川先生<sup>①</sup>延扬为余作

<sup>①</sup> 王孚川:名廷颺(1866—1937),金华蒲塘人。清光绪二十四年(1898)进士。历任留日学生监督、浙江两级师范学堂监督等职。同盟会会员,工书法,善榜书。

寿序，润资八十元，屏纸连联卅四元。

廿七日，初五日丙寅 晴，暖，夜雨

曹亦藩、张迪生来。午后访杨志朗，晚归，过马翊钧，十时回，皆为竹林之游。乐清洪鲁山邦泰寄诗来，以余去岁先寄以诗也。陈锡光来仲芸子。

廿八日，初六日丁卯 晴

过苏大夫，晤郭仲岳，云今晨将回里。黄席儒来，留午饭。

午后与郑梓怀过县署，夜回。

廿九日，初七日戊辰 雪

马小坪同菡戏于颐翀宅，竟日。

耐夫函来，言将同胡侠民来，为陈节秋房屋事。

三十日，初八日己巳 霁，复阴，颇寒，夜雪

谢仲远、刘指岳来。陶铸民来，赠所书寿诗一帙。

午后抄《菊花纪事诗》十四首。

卅一日，初九日庚午 霁

读王选七言律。为昌繆说《通鉴·晋武帝纪》。

午后李公仪来。陈卓观、王祥第来。王子玖子。夜王崇玉来。

## 二 月

一日，正月初十日辛未 晴

阅王选七律。耐夫函来，云十二日出门。

三日，十二日癸酉 晴

萧汉杰、朱秋帆来。杨峨甫、李寅生、朱可颜来。晚招陈雁秋、王冰忱、朱秋帆、郑子怀陪峨甫诸子同酌。



四日,十三日甲戌 阴寒,夜雨

昨夜际康、志安来。函致缙生湖北。颜次周来。应小泉来,商社事。峨甫、寅生回。

五日,十四日乙亥 巳刻立春。阴,夜雨

林君楚十一日来,午后回。为缪孙说《通鉴·晋纪》。

郑莲荈绍毅来。

六日,十五日丙子 雨

于本日起温习《唯识论述记》,书仅二十册,一日一册,仅二十日,总在有恒为要。

党部作二月纪念周,余亦到会,报告委会事。按,前两月亦到,此记失录。余于委员会举得常务委员后,颇觉事多掣肘,无所作为。陈县长既不允辞,乃径向省政府辞之,并乞志澂函达陈杞怀为疏通之。得允后,由县再呈两名,选得苏侗补充,而陈小垞举为常务委员。

晚邀瑞安胡侠民酌,陪席郑际平、阮伯陶、姜啸樵、俞蔚文、祝小亭、林蔚之。

按,唯识以“识有非无,境无非有”为宗。

七日,十六日丁丑 阴

作《贺谢静斋六十》七古一首,交俞蔚文书之。

八日,十七日戊寅 晴

遣邦魁往钱仓贺谢静斋寿。阅《唯识述记》至第四卷。

九日,十八日己卯 雨,寒

午刻,官绅团拜会,酌于仙坛寺,到者二十余人。

十日,十九日庚辰 雨,寒

阅《唯识述记》至七卷。午后往鳌江陈仲芸家,过访王志澂、陈鲸量,既志澂留晚酌,鲸量、仲芸亦在。夜宿仲芸家。

十一日,二十日辛巳 晴

往刘店,午后往张家堡,夜宿峨甫宅。

十二日,廿一日壬午 阴,风

自江南回城,夜早卧。

十三日,廿二日癸未 雨

晨于观音座前誓诵《水忏》三天,俟三天后补足经课,盖有所惩戒也。检新年名片,得陈子万附示《茶山观梅诗》二绝句,因和四首答之。

十四日,廿三日甲申 晴

昨刘发耀同子祥麟来。祥麟十四岁,肄业初等小学,今回。陶铸民来。王冰臣来,言明日往长兴王鸿初幕,先过杭州。

阅《唯识述记》至九卷。按,以下遂止,不续阅,至下月始再从头阅之。

十五日,廿四日乙酉 晴

与江蕙林、祝邃生同往前金,见金演九,晤金养初,知其尊人星槎君往海安所,吊竺雅周先生旦之丧,未回。在演九处见改七芻琦女士《仙妹捣药图》,云大年工笔翎毛,恽南田牡丹,文徵明竹,何丹邱山水,岳炳荣墨梅,费晓楼美人,俞沧花卉,白泽虞牡丹,林竹逸工笔人物,潘伯荫、孙希旦联,郑板桥书,沈幼丹联,唐六如小幅,祁彪佳书,翁叔平山水,彭雪琴梅,馀不记忆。

十六日,廿五丙戌 阴,晚晴

自前金回。

十八日,廿七日戊子 晴

往永嘉,寓杨顺发栈,过仲琳寓处。

夜至印花税局,晤陈子琳、游群倪、张温其,为菖戏。

十九日,廿八日己丑 晴

过符笑拈先生,谈甚久。函致缙生岳州。晚李小波、朱廉青、夏

仲渠、曹序卿同饭于郑生记。旋至平阳会馆开会，米客到者百余人，议定籴米每籴仍抽一角，以五分归会馆，以五分聘人经理。

瑞安新利轮船由瑞往永，至帆游、白象中间之地出险，第二拖船因转汇绳索偏紧，掣船使覆，人有溺死者，失去货物甚多。

二十日，廿九日庚寅 晴

晨，同朱廉青、曹序卿、夏仲渠往帆游轮船失事处，地名五金头，离帆游甚近，捞得五尸，二女三男。两女皆金乡人，一朱雨楼妻。男一北港人李东明，年十七，瓯海公学学生；一金乡人夏某，开庆福堂药店者；一瑞安人。晚买舟仍回永嘉客寓，始悉林喜鸿、郑玉田及侄誉生、朱家斗三姊同乘此轮船来永，不坐拖船，免此危险，亦云幸矣。

廿一日，二月初一日辛卯 晴

同朱氏三姊自永嘉回。

廿三日，初三日癸巳 晴

委员会开会，举陈小垞、陈仲芸为常务委员。午后县政府开会，议军用款偿还分先后缓急之序，先米款，次教育款，次商店购货款，并议由公款产委会、商会、农会、工会、教职会、商协会各举代表审查。

廿四日，初四日甲午 晴

连日畏风咳嗽。仲芸来，留午饭，商惠元堂倒闭事。

廿五日，初五日乙未 晴

王小亭先生来，商惠元堂事。县长来，以病未晤。

廿六日，初六日丙申 晴

卧床，颇困顿。县长陈君濬以事来商，就床前言之。

廿七日，初七日丁酉 晴

检书经部毕。平日藏书四部分，今检过，经部甚少。

廿八日，初八日戊戌 雨

检书，甫著手，以客多不能收拾。申后卧床。

廿九日，初九日己亥 雨

检书史部，未毕。申后仍卧床，祝小亭来诊。夜汗。

### 三 月

一日，二月初十日庚子 霁

检书子部。

二日，十一日辛丑 阴

检书集部。鲍竹君来。夜早卧，以风嗽未愈。

三日，十二日壬寅

花朝。同鲍竹君、黄梅生、苏达夫往鳌江，以王志澂约同人十人，每月一为诗钟小集，此日志澂首值课也。来者又有毛树青、夏克庵、姜啸樵、陈子琳，唯周幼康不到。初唱“心、径”第一字，次唱“石、三”嵌第二字。又用王逢诗“谷雨亲蚕近，花朝拾翠连”十字，每人各拈一字，分韵赋诗一首，不拘体，携归后作，限下次小集时交齐。余得“连”字。是后，诗社月有刊卷，故佳联此不录。夜归。

四日，十三日癸卯 晴

十八都青坑石条柱刘姓宗祠，被凰奥王姓人烧去，今晨承审员往勘。检书集部，未毕。每日检书未到七八部，辄有人来访，作辍不恒，颇为苦之。究竟其来者，皆吴祁甫师所谓不愿为君子之周，而求为小人之比者也，世风可慨！夜早卧。

五日，十四甲辰 晴

往朱家斗，为甥朱仲彩、仲铭分爨事。

六日，十五乙巳 阴，小雨

分爨字据拟稿，请孙影生来书之，晚回。

七日,十六丙午 晴

姜啸樵示以花朝排律一首、七古一首,余作排律未成。

八日,十七丁未 晴

往五都<sup>①</sup>塘垵庵,名宝云寺,僧了玉,系谛闲徒孙,重兴此寺。今日上梁,强邀一往尝伊蒲馔也。午后回。

九日,十八戊申 晴

为刘运开作《投城隍疏》。

函致验契所,为刘发新赤溪肇清子验契。

十日,十九己酉 晴

观音诞日。何子舒遣来取所示《娱亲录》,为点定还之。子舒父玉亭君佳树为先君高第,子舒侍于病榻,聆其懿训,录为此书,乞余为题辞也。

十一日,二十庚戌 晴

检书未毕。禁烟局长陈叔平招酌,约二十余人。

十二日,廿一辛亥 阴

检书。项侠铸世兄贻桂昨在鳌江酒醉,腹痛死。

午后至仙坛寺,是日为孙中山忌辰,植树纪念,因参加拍照。

十三日,廿二壬子 晴

检书毕。阅康有为《共和平议》。

余持斋后,家人及亲戚苦以荤食相鬻,皆以食料偏枯为说。余今拟每晨早餐常年食素,每月地藏十斋期素食,三<sup>②</sup>、六、九月之十九日观音诞期、得道、成佛期素食,九月十一日先考忌辰,十月初七日

① 五都:据民国《平阳县志》卷四六《神教志二》,宝云寺在四都。

② 三:疑系“二”字之讹。《宗教大辞典·观世音》记载:观音诞期是农历二月十九日。

先妣忌辰，十月初十日先室忌辰，十月十三日本身生辰素食，余皆午、晚荤食，以示通融。四月八日本在十斋期内，不计。出门则除早餐外，余可归补。按，此暂定，将来仍以常年茹素为佳。

十五日，廿四甲寅 阴

午后禁烟局开会，因一到。题《娱亲录》诗未就。刘祠被烧事，今日集讯，王姓押两人：志图、志看。按，此条系十六日误并。

十七日，廿六丙辰 晴

江南人士仍有议废杨公祠者，乐胥、君旭、峨甫来商，顷与科长王毅农接洽，批准布告保存之。检什物，将往半山庵。

十八日，廿七日丁巳 晴

《娱亲录》题词寄何子舒。往半山庵，适陈鲸量在焉。鲸量以其友叶、陈、李三人来游南雁，将归，因来庵为一款洽。

十九日，廿八日戊午 晴

半山庵本名广慧禅寺，钦汉上人在此，寺规甚整，每晨三时即鸣钟起作科诵，余亦起坐。以后每晨皆坐，不再记。

阅译本《苏俄之观察》，据云瑞士人所著。名沙若理。此书言苏俄必败，指斥其残杀、专制，废宗教，反对人类之常道。地产归国有，公廨之工役计有七百万人。人民因饥饿死者有二十万万<sup>①</sup>。趋向唯物之说，旧日之道德观念完全扫地，且起一利用时机思想。教育退步，实业废坏。以煽动为大要问题，欲引起世界之革命。解决苏俄命运，不自外至，必由内起。即布党<sup>②</sup>之自相倾轧，将来白俄百万一返故乡，另造新俄，亦意中事。又谓苏俄，一则经济困难，政务分部冗员过多，必要供以饮食；一则党人揽权，起初愿得多人入党，后则

① 二十万万：底本如此。疑有误。

② 布党：即苏联共产党（布尔什维克）。

受制，一一予以位置；一则赤军过盛，必派往边界为戍军，占领一域。

马敏中、蔡孟平来访，留午饭。孟平以文乞正，即为阅定。

廿一日，卅日庚申 晴

《三民主义》读完终篇。其言“民族”，谓中国民族为外国政治、经济和人口增加三种迫压，必致灭种。其言“民权”，用四权及五权宪法。人民有政权四：选举、罢免、创制、复决。政府有治权五：司法、立法、行政、考试、监察。其言“民生”，分作四种：一是社会与工业之改良，二是运输与交通收归公有，三是直接征税，四是分配之社会化。定了两个办法：一是平均地权，二是节制资本。其论节制私人资本，尤须发达国家资本，一交通事业，二矿产，三工业，由国家管理资本。发达资本所得的利益，归人民大家所有。政治是人民所共管，利益是人民所共享也。末云废除不平等条约。《建国方略》一书，上半皆言开埠、运河、铁道诸事。中言发达工业，大旨皆主于由国家建，外债以开办之。末附《广东借债筑路之契约草案》及美政府函件。其《民权初步》，则《集会法》与《地方自治开始实行法》也。

廿二日，闰月初一日辛酉 阴

作《金莲村寿序》，演九尊人也。

廿三日，初二日壬戌 阴，霁

静坐之不得法，以尚有杂念倏尔而起，虽觉而制止之，又未能无念。无念之法，必须无起念、无存念方好。无起念则静，无存念则虚。静则止，虚则还，能止能观而不能还，以强制使静而不能虚也。“弄精魂”三字，最是静坐之病。

前以所选《寿辞择雅》一书，呈请林铁尊前道尹鹏翔作序，得复书，云此书可刊。又前托照拂吴志谦君，复云已荐禁烟局录用矣。

三月廿四日<sup>①</sup>，旧历闰二月初三日癸亥 阴，晴

寿叶芝圃七律。

廿六日，初五日乙丑 晴

夜晤陈君濬县长，新自杭回。

函致上海商务印书馆，又温州商务印书馆，乞补《藏经》缺本。

廿七日，初六日丙寅 阴雨

昨为刘祠事回城，午后复往半山庵。缙生自衡州函来，即复函。

阅《百法明门》各家注。《金寿序》交江蕙林寄与演九。

廿八日，初七日丁卯 雨

阅《成唯识论》注本，计十二家。申后马委员振中、倪锡侯、陈哲人所长同来，马查案，以有人控陈县长及姜、王与余也。

廿九日，初八日戊辰 晴

阅《成唯识论述记》第二卷。

刘运开、方成持谱来，系出青田，为函致祝群，言其祠堂事，乞援。

三十日，初九日己巳 晴

阅《成唯识论述记》第三卷。

云南旧军长靖国军叶荃等四人来游雁荡，鲸量与同来半山庵，其一僧人也，四人皆习密宗。乘肩舆下山，以胡侠民来言屋事也。

## 四 月

二日，十二日壬申 雨，寒，午晴

《成唯识论》拟限至五月十九日阅毕，惟须减去四五种注家，以

① 此条起为底本第十七册，首行书“续民国十七年日记戊辰”。



省目力。

是日为花朝，鲍竹君诗钟值课，在城南商会，到者周幼康、王志澂、毛树青、黄梅生、姜啸樵、苏达夫、陈子琳、余及鲍老九人，吴次垣亦来，共十人。初次“楚、梅”嵌第三字，二次“法、春”嵌第四字，诗题各人以己名字为韵，《咏闰花朝纪事》。余得“厚”字。

三日，十三日癸酉 晴

清明节祀祖先。

四日，十四日甲戌 雨，霁

塘川省墓。致函衡州，缙生寓成章中学，寄家洋三百元。

鳌江大女来，以日前鼻衄甚损，请江冠万为诊之。

申后来半山庵，知东藏不愜于钦汉上人，往宿柏垵堂。

五日，十五日乙亥 清明，晴

阅《成唯识论》至卷五。本年正月十五日起，立意温习《成唯识论》，书共六十卷二十册，当时误以为二十卷，限二十日毕之，乃阅五日而即辍。

本月初七日来半山庵，乃取《续藏经》各注参阅之，一日不能毕一卷，中间更以他事作辍不恒，计非半年不能毕业，而实无此精力，无此暇晷，因减去若干种，欲速其毕，然亦非两三月不为功，甚矣读书之难也！

六日，十六日丙子 晴

作《闰花朝雅集纪事》五古一首，得“厚”字。

阅《成唯识论》，至第六卷毕。

七日，十七日丁丑 晴

作《蔡静斋八十一寿序》。

吴达川浚等自青田来，赍到祝群复函，且言祝群为刘祠事邮电省